

Na temelju člana 36. Zakona o sportu Tuzlanskog kantona („Službene novine“, broj 8/2010.) Školski odbor JU Gimnazije „Dr.Mustafa Kamarić“ Gračanica na sjednici održanoj 29.08.2013. godine donosi:

S T A T U T

ŠKOLSKOG SPORTSKOG DRUŠTVA

JU GIMNAZIJE „DR.MUSTAFA KAMARIĆ“ GRAČANICA

Smjernica

I. OSNOVNE ODREDBE (čl. 1. - čl. 15.)

1. Osnivanje i status društva (čl.2. - čl.5.)
2. Naziv, sjedište i obilježja (čl.6. - čl.8.)
3. Ciljevi društva (čl.9 – čl.10.)
4. Članovi društva (čl. 11 – čl. 15.)

II. DJELATNOST I SREDSTVA (čl. 16. – čl. 24.)

1. Djelatnos društva (čl.16. – čl. 21.)
2. Sredstva društva (čl. 22. – čl. 24.)

III. UPRAVLJANJE (čl. 25. – čl. 37.)

1. Upravni odbor (čl. 25. – čl. 31.)
2. Predsjednik društva (čl.32. – čl. 33.)

IV. ZAVRSNE ODREDBE (čl. 34. – čl. 36.)

I. OSNOVNE ODREDBE

Član 1.

Radi aktivnog bavljenja učenika sportom osniva se Školsko sportsko društvo škole (u daljnjem tekstu: Društvo).

Društvo je oblik izvannastavnog i izvanškolskog bavljenja učenika sportom.

1. Osnivanje i status društva

Član 2.

Osnivač društva je škola . Odluku o osnivanju društva donosi Školski odbor škole.

Član 3.

Škola je dužna da stvori uslove za osnivanje školskog sportskog društva.

Član 4.

Društvo nema status pravne osobe.

Član 5.

Društvo se može u skladu sa zakonom učlaniti u Školsko sportsko društvo općine na kojoj škola egzistira.

2. Naziv, sjedište i obilježja

Član 6.

Ime Društva je ŠKOLSKO SPORTSKO DRUŠTVO JU GIMNAZIJA „DR.MUSTAFA KAMARIĆ“GRAČANICA

Član 7.

Sjedište Društva je: ul. Mula Mustafe Bašeskije broj:2 Gračanica.

Član 8.

Društvo ima svoju zastavu i amblem.

Oblik, sadržaj i izgled zastave i amblema određuje uprava Društva.

3. Ciljevi Društva

Član 9.

Ciljevi i zadaće školskog sportskog društva su:

- poticati razvoj školskog sporta,
- poticati uključivanje što većeg broja učenika u školske sportske aktivnosti,
- promicati stručni rad u školskom sportu,
- boriti se protiv nasilja na i oko školskih sportskih igrališta,
- boriti se protiv svih oblika rasne, etničke, nacionalne, vjerske, političke i spolne diskriminacije te kršenja sloboda i prava učenika,
- poticati etička i moralna načela, poštivanje ljudskog dostojanstva, fair playa, tolerancije, nenasilja i kulture sporta,
- poticati sportskih aktivnosti osoba s invaliditetom,
- boriti se protiv dopinga i korištenja zabranjenih supstanci,
- zaštita i očuvanje čovjekova okoliša
- borba protiv alkohola i opojnih sredstava

Član 10.

Ciljevi Društva su da učenici kroz organizirano bavljenje sportom putem treninga, utakmica i natjecanja steknu znanja i vještine iz sporta kojim se bave.

4. Članovi Društva

Član 11.

Članove društva čine učenici koji se žele organizirano baviti sportom u školi.

Član 12.

Članovi Društva mogu biti i roditelji učenika, bivši učenici, vanjski saradnici i drugi.

Njihova uloga kao članova je podrška radu društva kroz različite oblike aktivnosti.

Član 13.

Članovi Društva mogu biti i donatori, sponzori i drugi podupirući članovi.

Član 14.

Društvo može imati počasne članove koje imenuje uprava .

Član 15.

Članom Društva postaje se učlanjenjem kod pedagoga tjelesnog i zdravstvenog odgoja u školi.

Članovi mogu imati iskaznicu.

Članovi se vode u odgovarajućim evidencijama škole.

II. DJELATNOST I SREDSTVA

1. Djelatnost Društva

Član 16.

Djelatnost Društva je amatersko bavljenje sportom učenika škole.

Član 17.

Djelatnost Društva utemeljuje se ovim Statutom i programima u sklopu ciljeva iz ovog Statuta.

Djelatnost Društva je bavljenje određenim sportovima utvrđenim ovim Statutom i programima radi ostvarenja ciljeva .

Član 18.

Društvo se može baviti slijedećim sportovima:

- nogomet
- košarka
- odbojka
- rukomet
- atletika
- stoni tenis
- šah
- biciklizam
- i
- slično.

Član 19.

Uprava Društva može naknadno odlučiti da se bavi i još nekim sportovima izuzev navedenih u članu 18. ovog Statuta na temelju programa.

Pedagozi tjelesnog odgoja škola imenuju se za kordinatore za svaki sport pojedinačno.

Uprava Društva određuje organizacijske oblike rada za sportove kojima se bavi (ekipe, vrste, sekcije i dr.).

Član 20.

Društvo se može baviti i aktivnostima koje pomažu ostvarenju ciljeva i koje se uobičajeno obavljaju uz djelatnost amaterskih sportskih klubova.

Član 21.

Djelatnost Društva je javna.

2. Sredstva Kluba

Član 22.

Društvo novčana sredstva za rad može dobijati od škole, priloga, poklona i drugih sličnih izvora.

Društvo novčana sredstva za rad može stjecati od ulaznica, priređivanjem sportskih i drugih priredbi, zabava, koncerata i slično.

Član 23.

Novčana sredstva za rad Društva mogu se dobijati iz budžeta različitih nivoa vlasti u Federaciji BiH.

Član 24.

Društvo nema poseban račun.

Novčana sredstva Društva, bez obzira na izvore, drže se na računu Škole, posebno se evidentiraju i vode, te koriste samo za potrebe Društva.

III. UPRAVLJANJE

Član 25.

Odluku o osnivanju Društva donosi Školski odbor škole, a članove upravljanja potvrđuje Nastavničko vijeće škole.

Član 26.

Društvo ima upravu koja upravlja društvom i vodi poslove.

Upravu Društva čine:

- Upravni odbor
- Predsjednik društva
- Zamjenik predsjednika

1. Upravni odbor

Član 27.

Upravni odbor upravlja Društvom.

Upravni odbor čini od 3(tri) člana. (upravni odbor može činiti i više članova).

U upravni odbor se imenuje obavezno:

Jedan (1) član: pedagog tjelesnog odgoja iz škole,

jedan (1) član: direktor škole, pomoćnik direktora, pedagog ili bilo koji drugi uposlenik škole i

jedan (1) član: učenik škole.

Mandat Upravnog odbora je jedna školska godina.

Predsjednik Upravnog odbora je pedagog tjelesnog i zdravstvenog odgoja škole.

Upravni odbor i predsjednika Društva za svaku školsku godinu potvrđuje Nastavničko vijeće škole, na prijedlog direktora škole.

Član 28.

Upravni odbor između svojih članova bira i zamjenika predsjednika

Član 29.

Upravni odbor radi na sjednicama koje saziva i kojima rukovodi predsjednik.

Odluke se donose koncenzusom i dogovorom.

Upravni odbor sastaje se onoliko često koliko to nalažu potrebe i poslovi .

Član 30.

Upravni odbor donosi odluke u vezi djelatnosti rada, donosi programe sportskih aktivnosti i program rada , utvrđuje financijski plan , predlaže raspored i raspolaganje novčanim sredstvima, odlučuje o imenu i obilježjima.

Upravni odbor odlučuje o osnivanju ili učlanjivanju društva u Školsko sportsko društvo općine, a potvrdu ove odluke ovjerava direktor škole u kojoj se obavezno navode predstavnici škole u Školskom sportskom društvu općine,

Upravni odbor vodi i druge poslove od interesa za Društvo

Član 31.

Upravni odbor može povremeno sazivati pojedine kategorije članova ili sve članove radi dogovora, informiranja i raspravljanja o poslovima od interesa za rad i napredak Društva.

Upravni odbor u vrijeme trajanja svog mandata najmanje jedanput saziva sve članove na zajednički sastanak članova.

Dogovori, stavovi i zaključci sa sastanka iz stavka 1. i 2. ovog člana smjernice su za upravu .

2. Predsjednik Kluba

Član 32.

Predsjednik Društva rukovodi radom Društva.

Predsjednik Društva je ujedno i predsjednik Upravnog odbora .

Predsjednika Društva u obavljanju njegovih dužnosti zamjenjuje zamjenik predsjednika.

Član 33.

Predsjednik Društva predstavlja Društvo u svim njegovim segmentima rada i postojanja.

IV. ZAVRŠNE ODREDBE

Član 34.

Statut Društva te njegove izmjene i dopune donosi Školski odbor.

Član 35.

Autentično tumačenje ovih pravila daje Upravni odbor .

Član 36.

Ova pravila stupaju na snagu danom donješenja.

Broj:01-1290-7/13
U Gračanici, 02.09.2013.godine



Predsjednik Školskog Odbora

Hasić Omer

Hasić Omer, dipl.oec.